

U NÁAJALIL U NOJ TS'ÍBILO'OB MÁASEWAL KAAJO'OB TI' AMERICA

PLIA

PAYALT'ANIL



Uti'al u chímpolta'al u jats'uts meyaj le máasewal aj ts'íibo'obo', U **UNIVERSIDADIL GUADALAJARA**, U **INSTITUTO NACIONAL TI' MÁASEWAL T'AANO'OB (INALI)**, U **COMISIÓN NACIONAL UTI'AL U DESARROLLO MÁASEWAL KAAJO'OB (CDI)**, U **SECRETARIAL EDUCACIÓN TU NOJ LU'UMIL JALISCO (SEJ) YÉETEL U SECRETARIAIL CULTURA TU NOJ LU'UMIL JALISCOE' (SCJ) KU PAYALT'ANTIKO'OB MÁAK TI' U NÁAJALIL U NOJ TS'ÍBILO'OB MÁASEWAL KAAJO'OB TI' AMÉRICA 2016**, je'ex bix ku tso'olol waye:

U YÁAXILE'. Uti'al le kéetlamil 2016a', U Náajalil U Noj ts'íibilo'ob Máasewal Kaajo'ob ti' América yo'osal u noj ts'íibil "narrativo" (je'ex tsikbal, cuento yéetel novela).

U KA'AP'ÉELILE'. Je'el u béeytal u yoksikubaj ti' le Náajalila' je'en máaxak ku ts'íib ich jump'éeel u máasewáal t'aan u noj lu'umil Américas', mix ba'al yaan u yil tu'ux kajakbal tu yoorail le kéetlamila', k'a'abet u ts'íibtik u meyaj ich jump'éeel máasewal t'aan yéetel jach k'a'ana'an u k'ajóolta'al u meyaj yo'osal táan u muk'kinsik u noj ts'íibil máasewal kaaj, bey xane' jach k'a'abet u k'ajóolta'al u meyaj ichil u noj ts'íibil Narrativo (je'ex tsikbal, cuento yéetel novela).

U YÓOX'P'ÉELILE'. U Náajalil le kéetlamil ti' kun k'u'ubul tu Ferial Libro ti' Guadalajara, le meyajó' k'a'abéet u betk'ajal bey ku tso'olol waye':

- Jump'éeel túumben nojts'íib ich máasewal t'aan.
- Jump'éeel meeyaj ku ye'esik u jats'utuil u tuukul yéetel u kuxtal máasewal kaaj.
- Jump'éeel meyaj ka u táakmuk't yéetel ka u ts'áaik k'ajóoltbil u noj ts'íibilo'ob ich máasewal t'aano'ob.

U KAMP'ÉELILE'. Je'el u béeytal u túuxta'al u k'aaba' le aj ts'íibo'obo' uti'al u takpajalo'ob, tumen Instituciones ti' xook yéetel *cultura*, wáaj tumen u much'ilmeyaj *editoriales*.

U SIINKO U P'ÉELILE'. Uti'al u ts'íibtikubaj máake' ti' kun betk'ajal ti' internet: www.cunorte.udg.mx/plia; te' kúuchila' yaan u chu'upul jump'éeel solicitud ti' registro bey xan k'a'abet u na'aksk'ajal le ju'uno'oba' ich formato PDF:

- Jump'éeel ts'íibil ti' *exposición ti' motivos* ku túuxta'al tumen le *institución* tu túuxtaj u k'aaba' le aj ts'íibo', tu'ux ku tsolik jach ba'ax meyaj ts'o'ok u beetik le aj ts'íibo' yo'osal le ba'ax ku tsolik le u YÓOX'P'ÉELIL *cláusula* ti' le payt'aanila'.
- U Currículum Vitae ti' le aj ts'íibo', tu'ux ku tsolik u k'aaba' tuláakal le ts'íibo'ob u meyajtmaj tu noj ts'íibil cuento.
- Tuláakal u ju'unilo'ob tu'ux ku ye'esik jach jaaj u meyajmaj: ujel náajalilo'ob u k'anmaj bey *premios, reconocimientos, distinciones* yéetel u yáax wáalil u *publicaciones*.

Tuláakal le ju'uno'oba' je'el u béeytal u túuxta'al tu páginail registro www.cunorte.udg.mx/plia, wáaj ti' le correoa':

plia@cunorte.udg.mx, wáaj jach u ju'unil ti' **UNIVERSIDAD DE GUADALAJARA**, CENTRO UNIVERSITARIO DEL NORTE, CARRETERA FEDERAL No. 23 Km. 191, C.P. 46200, Colotlán, Jalisco, México.

U SEISILE'. Mun béeytal u yoksikubaj ich le kéetlamil:

- I. I. Máaxo'ob much'a'antako'ob ti' le túuxtmejayil ichil *Comisión Interinstitucional*;
- II. II. Máaxo'ob kun xokik yéetel yéeyik tuláakal le meyajó'obo' oksa'antako'ob ich le kéetlamil;
- III. Máaxo'ob ts'o'ok u náajaltiko'ob le Náajalila.

U SIETEILE'. Tuláakal le ju'uno'ob ku túuxta'al tumen le máaxo'ob ku takpajalo'ob te' ketlamil mun bin e'esbil ti' mixmáak yéetel yaan u tóoka'al ken máanak 30 up'éeel k'iino'ob *naturales* bey ts'o'ok u k'u'ubul le Náajalila'.

U OCHOILE'. Le payalt'aana' ku káajbal ken jo'osa'ak u ju'unila' uti'al u ts'íibtikubaj máak tak las 23:59 áak'ab (u yorail u noj kaajil México) ti' u k'iinil 2 ti' septiembre ti' le 2016a'. Mix táan u k'amal meyajó'ob ku túuxta'al ts'o'ok u máan le hora yéetel le k'iin ku ya'alik way te' payalt'aana'.

U NUEVEILE'. Óoxtuul nukuch aj ts'íibo'ob ken u beet u *Juradoilo'ob* ti' le kéetlamil U náajalil u noj ts'íibilo'ob máasewal kaajo'ob ti' América, le ken u ya'alo'obo' máax ku náajale', leti' túun mix táan u k'expajal.

U DIEZILE'. U bo'olil le Náajalila' 25,000 u taak'inil Estados Unidos (USD) kun bo'olbil yéetel u taak'inil tu lu'umil México je'el bix yanik u k'eexil tu k'iinil u k'alal le payalt'aanila', yéetel jump'éeel chan síibal ti' patbil *estatuilla*.

U ONCEILE'. Le máax kun náajaltik le kéetlamil yaan u ts'áabal oojeltbil ti' jump'éeel much'tambal yéetel u meeyajil piik'ilju'uno'ob tu winalil septiembre. U tojol u taal le máax kun yéeybilo' yaan u laj bo'ota'alti' tumen le *instituciones* ku beetiko'ob le paayalt'anila'.

U DOCEILE'. U k'u'ubul le Náajalila' yaan u yúuchul 3 ti' diciembre las 4:30 u chíinil k'iin, tu salonil 6, tu planta bajail Expo-Guadalajara, tu Feria Libro ti' Guadalajara 2016, tu noj kaajil Guadalajara, Jalisco, México.

U TRECEILE'. Le máaxo'ob ku yoksikuba'ob te' kéetlamil k'a'abet u éejentiko'ob le ba'ax ku k'áata'alti'ob te' payalt'aanila'. Le máax ma' táan u meetik beyo' yaan u jo'osa'al te' kéetlamil.

U CATORCEILE'. Le ba'ax mix táan u ts'áabal ti' le payalt'aanila' yaan u jéets't'antiko'ob tumen le *Comisión Interinstitucional* ti' le Náajalila', much'a'an tumen u jo'olpopilo'ob le *instituciones* ku beetiko'ob le paayalt'aanila', bey xan le t'aan ken u jéets'o'ob mun béeytal u k'expajal.